

撰集百緣經

卷一

四百十四  
涇一

50939



元祿九年丙子二月日重脩

皇圖

帝鑑

佛日

轉

山城州天安寺法金剛院置



撰集百緣經卷第一

吳月支優婆塞支謙譯

涇

菩薩授記品第一

滿賢婆羅門遙請佛緣一

佛在王舍城迦蘭陁竹林時彼南方有一婆

羅門名曰滿賢財寶無量不可稱計似毗沙

門天德信賢善體性調順自利利他慈愍衆

生如母愛子於異學所施設大會種種餽餼

常恒供養百千諸外道等希望欲求生梵天

上時彼滿賢有一親友從王舍城來詣彼國

到滿賢所歎佛法僧所有功德名聲遠徹三

達遐鑒名婆伽婆今在王舍城迦蘭陁竹林

爲諸天龍夜叉。輒闍婆。阿脩羅。迦樓羅。緊那。羅。摩睺羅伽。人非人等。國王長者及諸民衆。皆共供養。尊重讚歎。彼所修習。其味精妙。遍于世界。無不欽仰。時婆羅門。聞彼親友。歎佛功德。深生信敬。尋上高樓。手執香花。長跪合掌。遙請世尊。作如是言。如來今者。實有功德。使我所燒香氣。馥芬遍王舍城。并所散花。當佛頂上。於虛空中。變成花蓋。作是誓已。香花尋至。當佛頂上。變成花蓋。香烟垂布。遍王舍城。尔時阿難見斯變已。前白佛言。如此香雲。爲從何來。佛告阿難。南方有國。名曰金地。彼有長者。字曰滿賢。遙請於我。及比丘僧。吾當

往彼受其供養汝等各自皆乘神通往受彼  
請時諸比丘受佛勅已乘虛往彼去向祠不遠  
佛以神力隱千比丘唯現單已執持應器至  
滿賢所尔時長者聞佛來至將五百徒眾各  
各賣持百味飯食奉迎如來見佛世尊三十  
二相八十種好光明暉曜如百千日安詳雅  
步威儀可觀前禮佛足善來世尊慈哀憐愍  
今見納受我等施食佛告長者設欲施者投  
此鉢中及五百徒眾所賣飲食各各手自投  
佛鉢中不能使滿奇哉世尊有是神力心即調  
伏千比丘僧鉢亦皆滿忽然現前遶佛世尊  
時彼長者嘆未曾有即便以身五體投地發

大誓願持此施食善根功德未來世中盲冥  
衆生爲作眼目無歸依者爲作歸依無救護  
者爲作救護未解脫者爲作解脫未安隱者  
爲作安隱未涅槃者令入涅槃發是願已佛  
便微笑從其面門出五色光遍照世界作種  
種色遶佛三匝還從頂入尔時阿難前白佛  
言如來尊重不妄有笑有何因緣今者微笑  
唯願世尊敷演解說佛告阿難汝今頗見富  
那長者供養我不阿難白言唯然已見於未  
來世過三阿僧祇劫具菩薩行修大悲心滿  
足六波羅蜜當得成佛号曰滿賢過度衆生  
不可限量是故微笑耳佛說是滿賢緣時有

得須陀洹者斯陀含者阿那含者阿羅漢者  
有發辟支佛心者有發無上菩提心者尔時  
諸比丘聞佛所說歡喜奉行

名稱女請佛緣二

佛在毗舍離獼猴河岸重閣講堂尔時世尊  
著衣持鉢將諸比丘入城乞食到師子家時  
彼長者有一兒婦字曰名稱見佛威顏種種  
相好莊嚴其身前白大家如此之身叵可得  
不姑即荅言汝今若能修諸功德發於無上  
廣大心者亦可獲得所有相好時彼兒婦聞  
此語已便從姑妣求索財物設會請佛飯食  
以訖持種種華散佛頂上在虛空中變成華

蓋隨佛行任見是變已喜不自勝五體投地  
發大誓願以此供養所作功德於未來世有  
真衆生爲作眼目無歸依者爲作歸依無救  
護者爲作救護無解脫者爲作解脫無安隱  
者爲作安隱未涅槃者爲作涅槃今時世尊  
觀彼女人發廣大心即便微笑從其面門出  
五色光遍照世界種種色遶佛三匝還從  
頂入今時阿難前白佛言如來尊重不妄有  
笑有何因緣今者微笑唯願世尊敷演解說  
佛告阿難汝今見此名稱女人供養我不阿  
難白言唯然已見今此名稱發大廣心善根  
功德過三阿僧祇劫具菩薩行修大悲心滿

足六波羅蜜當得成佛名曰寶意廣度衆生  
不可限量是故笑耳佛說是名稱緣時有得  
須陀洹者斯陀含者阿那含者阿羅漢者有  
發辟支佛心者有發無上菩提心者尔時諸  
比丘聞佛所說歡喜奉行

懶墮子難陀見佛緣三

佛在舍衛國祇樹給孤獨園時彼城中有一  
長者財寶無量不可稱計唯有一子名曰難  
陀其爲懶墮常喜睡眠不肯行坐然極聰慧  
與衆超絕於寢卧中聽採經論無不博達其  
中義味時父長者見子聰明善解經論作是  
念言我今當請富蘭那等外道六師來至家

中令教我子作是念已設諸筭饒尋即請呼  
飯食已訖白六師言我唯一子甚為懶墮眠  
不肯起唯願大師為我教詔令修家業及以  
經論時六師等即共相將往到子所而卧不  
起沉復為其請命敷坐時父長者見子如是  
以手支頰甚用苦惱憂愁不樂尔時世尊常  
以大悲晝夜六時觀察衆生誰受苦惱輒往  
至彼為其說法使令開解即便見彼長者為  
子所惱扶頰而坐將諸比丘來至其家於時  
懶子忽然驚起為佛敷座前禮佛足却坐一  
面佛即為其種種說法呵責懶墮多諸過咎  
尋自悔責深生信敬佛便授其一栴檀杖與

彼懶子汝今若能於精懃中少加用心扣打  
此杖所出音聲甚可愛樂聞此聲已能見地  
中所有伏藏時窳墮子尋即取杖扣打出聲  
皆悉得見地中伏藏喜不自勝而作是念我  
今於此精懃之中少許用心尚能獲得如是  
大利況復懃加役身出力於將來世必獲無  
上大利益事我今當就懃加役力入海採寶  
作是念已即便唱令告衆人言誰欲入海採  
大珍寶我爲商主衆人競集共作要誓入于  
大海各獲珍寶皆安隱還設諸餽饒請佛及  
僧供養訖已佛即爲其種種說法心開意解  
即便以身五體投地發大誓願以此供養善

根功德使未來世盲冥衆生爲作眼目無歸  
依者爲作歸依無救護者爲作救護無解脫  
者爲作解脫無安隱者爲作安隱未涅槃者  
令使涅槃發是願已佛便微笑從其面門出  
五色光繞佛三帀還從頂入尔時阿難前白  
佛言如來尊重不妄有笑以何因緣今者微  
笑唯願世尊敷演解說佛告阿難汝今叵見  
是懶墮子入海採寶設諸餽饌供養我不阿  
難白佛言唯然已見此懶墮子於未來世過  
三阿僧祇劫當得作佛号精進力過度衆生  
不可限量是故笑耳尔時諸比丘聞佛所說  
歡喜奉行：

五百商客入海採寶緣四

佛在舍衛國祇樹給孤獨園時彼城中有一  
商主將五百賈客共入大海船破還迴晝夜  
懃加跪拜諸神以求福祐第二第三重復入  
海船壞如前時彼商主福德力故竟不溺水  
還達本土生大苦惱作是念言我每曾聞有  
佛世尊得一切智諸天世人無有及者哀愍  
衆生自利利他我今當稱彼佛名号入于大  
海若安隱還當以所得珍寶之半奉施彼佛  
作是念已即集商人共入大海稱佛名号大  
獲珍寶安隱迴還達到家中觀其寶物愛戀  
貪惜不肯施佛作是念言若減此寶持半與

者自無幾許我今當就持此寶物盡持與婦  
當從彼邊索少許錢市易薰陸持誚祇洹燒  
香供養作是念已如其設計賣得兩錢市易  
薰陸持誚祇洹燒香供養佛以神力令此香  
烟馥馥垂布遍覆祇洹時彼商主覩斯香烟  
深於佛前而自悔責我今云何向佛世尊慙  
惜此寶而不施與今者如來實有神力令此  
香烟遍覆祇洹甚為希有我今當設餽饌飲  
食請佛及僧就舍供養作是念已即便長跪  
請佛世尊佛默然許還歸到舍辦具飲食明  
日時到遣使白佛食具以辦唯聖知時尔時  
如來著衣持鉢將諸比丘往到其家受彼供

已佛爲說法慳貪過惡心開意解更取寶珠  
散佛頂上於虛空中變成寶蓋隨佛行任見  
是變已即便以身五體投地發十誓願以此  
供養善根功德於未來世盲冥衆生爲作眼  
目無歸依者爲作歸依無救護者爲作救護  
無解脫者爲作解脫無安隱者爲作安隱若  
涅槃者使令涅槃發是願已佛即微笑從其  
面門出五色光遶佛三匝還從頂入卽時阿  
難前白佛言如來尊重不妄有笑以何因緣  
今者微笑唯願世尊敷演解說佛告阿難汝  
今見是商主以慚愧心供養我不阿難白言  
唯然已見今此商主以供養我故不墮地獄

畜生餓鬼生天上人中常受快樂過三阿僧祇劫當得作佛号曰寶盛度脫衆生不可稱量是故笑耳尔時諸比丘聞佛所說歡喜奉行貧人須摩持縷施佛緣五

佛在舍衛國祇樹給孤獨園時彼城中有一織師名曰須摩貧窮困苦家無升斗常行客織用自存活又於一日作是念言我以先身不布施故今致貧窮困苦如是我於今者復不布施於將來世遂貧轉劇作是念已我今當更勤加役力推求少物持用布施於未來世當得是報即便求索得少許縷涉道歸家至一巷中遙見世尊著衣持鉢將諸比丘入

城乞食前詣佛所尋持此縷奉施世尊世尊  
受已即現衣破尋用縫衣時須曼那見佛世  
尊縫補破衣心懷歡喜前禮佛足發大誓願  
即於佛前而說偈言

所施雖微少

殖大良福田

奉施世尊已

誓願後成佛

過度群生類

其數不可量

大威德世尊

當證知此事

尔時世尊說偈荅曰

汝今值我故

歸誠發信施

未來當成佛

号名曰十綖

名聞遍十方

度脫不可量

尔時須摩聞佛世尊說此偈已深生信敬五

體投地發大誓願持此施綖所有功德於未

來世盲冥衆生爲作眼目無歸依者爲作歸  
依無救護者爲作救護無解脫者爲作解脫  
無安隱者爲作安隱未涅槃者令使涅槃發  
是願已佛便微笑從其面門出五色光遶佛  
三帀還從頂入今時阿難前白佛言如來尊  
重不妄有笑有何因緣今者微笑唯願世尊  
敷演解說佛告阿難汝今見是貧人須摩以  
縊施我心懷歡喜發大誓願不阿難白言唯然  
已見彼須摩者以懇重心施我縊故於未來  
世當得作佛号曰十縊廣度衆生不可限量  
是故笑耳今時諸比丘聞佛所說歡喜奉行  
婆持加困病緣六

佛在舍衛國祇樹給孤獨園時彼城中有一  
長者字婆持加甚大惡性喜生瞋恚無有人  
類與共親善然於六師生信敬心於後時間  
遇疾困病無人瞻視飲食醫藥餘命無幾作  
是念言我今因苦理極正亦誰能救濟我所  
愛命我當終身善好奉事思惟是已唯佛世  
尊能救我命即於佛所生懇重心渴仰欲見  
亦時世尊常以大悲晝夜六時觀察衆生誰  
受苦惱我當往彼而拔濟之軟語說法令彼  
心悅若墮惡道爲設方便而拔濟之安置人  
天使得道果亦時如來即便觀察見彼長者  
爲病所困憔悴叵看無人瞻養即放光明照

病者身令得清涼心即醒悟喜不自勝五體  
投地歸命於佛尔時世尊知婆持加善根已  
熟應受我化即便往詣彼長者家忽然驚起  
合掌奉迎善來世尊敷座而坐佛問婆持加  
汝今患苦何者最劇荅曰我今身心俱受苦  
惱佛自念言我於曠劫所修慈悲誓療衆生  
身心俱病時天帝釋知佛所念即詣香山採  
拾藥草名曰白乳以奉世尊佛得此藥授與  
婆持加令使服盡病悉除愈身心快樂即於  
佛所倍生信心即便爲佛及比丘僧設諸餽  
饍供養已訖復以上妙好衣價直百千兩金奉  
上佛僧發大誓願以此供養善根功德如今

世尊治我身心一切衆病。快得安樂。使我來  
世治諸衆生身心俱病。使得安樂。發是願已。  
佛便微笑。從其面門出五色光。遶佛三匝。還  
從頂入。尔時阿難前白佛言。如來尊重不妄  
有笑。有何因緣。今者微笑。唯願世尊敷演解  
說。佛告阿難。汝今頗見彼長者子。以其病差。  
設供請我。及比丘僧。不阿難白言。唯然。已見  
於將來世。得成爲佛。号釋迦牟尼。廣度衆生。  
不可限量。是故笑耳。尔時諸比丘聞佛所說。

歡喜奉行

王家守池人華散佛緣七

佛在王舍城迦蘭陀竹林。尔時波斯匿王未

聞有佛晝夜六時賣持香華奉事天神佛以  
出世得成正覺將欲教化波斯匿王故著衣  
持鉢往詣王所時波斯匿王見佛來至光明  
晃昱照耀天地威儀詳序人中挺特心懷歡  
喜請命使坐設諸餽饌供養訖竟佛便爲王  
種種說法即於佛所深生信敬捨事天神止  
不奉跪於是波斯匿王日復三時賣持香華  
供養如來時送華人奉王華已自捉一華欲  
詣市肆路值外道即問之曰汝賣此華爲欲  
賣不荅言欲賣時須達長者復來到邊復問  
彼人汝捉此華爲欲賣不皆言欲賣時此二  
王各共諍競倍共償價遂至百千兩金故不

肯止時賣華人問外道言汝買此華爲何所  
作外道荅言我用供養那羅延天以求福祐  
次問須達長者汝買此華用作何等須達荅  
言用供養佛賣華人言云何爲佛須達荅言  
前覩無窮却覩無極三界中尊諸天世人皆  
共敬仰時賣華人聞是語已密懷歡喜作是  
念言須達長者安詳審諦而不卒暴乃於冷  
日爲此一華共償價數乃至百千兩金賣持  
欲去今者必有大利益事不計貴賤必欲得  
之時賣華人即荅二主我華不賣自欲持去  
用供養佛須達聞已喜不自勝尋將彼人見  
佛世尊三十二相八十種好光明普曜如百

千日甚懷信敬持所捉華而散佛上於虛空中變成華蓋隨佛行住見是變已即便以身五體投地發大誓願以此散華善根功德使我來世盲冥衆生爲作眼目無歸依者爲作歸依無救護者爲作救護無解脫者爲作解脫未涅槃者令使涅槃發是願已佛便微笑從其面門出五色光遶佛三匝還從頂入尔時阿難前白佛言如來尊重不妄有笑以何因緣今者微笑唯願世尊敷演解說佛告阿難汝今見此守園人不持此一華散我上者於未來世過三阿僧祇劫當得成佛号曰華盛度脫衆生不可限量是故笑耳尔時諸比

丘聞佛所說歡喜奉行

二梵志各諍勝如來緣八

佛在舍衛國祇樹給孤獨園時彼城中有二  
梵志一者深信佛法常說如來所有功德三  
界中尊最爲第一其第二者深著邪見言說  
外道六師之徒亦最第一無與等者如是紛  
紜遂共諍競無有休息乃至上聞波斯匿王  
召二梵志問其所由有此諍競信外道者言  
我所奉事富蘭那等實有神力殊勝於彼瞿  
曇沙門王復問彼信佛者曰汝今所事瞿曇  
沙門有何神力梵志荅曰我所奉事瞿曇沙  
門絕有神力無有及者時波斯匿王聞其二

大梵志語已而告之曰卿等今者各自稱譽  
所奉天神最爲第一我今爲汝到七日頭於  
平博處聚集人民百千万衆試彼神驗卿等  
二人各自燒香散花灑水請汝師等來此會  
中當共供養時二梵志聞王語已各相然可  
至七日頭王勅民衆聚集已訖時二梵志在  
大衆前各發誓願信富蘭那者尋取香花并  
及淨水在大衆中發大誓願若我所奉富蘭  
那等有神力者令此香花并及淨水於虛空  
中至我師所令知我心來赴此會若無神力  
使此香花及以淨水住而不去作是誓已尋  
散香花并及淨水皆住不去即便墮地時諸

大衆見是事已無有神驗各相謂言今富蘭  
那等實無神力虛受國中我等供養作是唱  
已時信佛者於大衆前復取香華及以淨水  
散於空中作是誓言如來今者實有神力使  
此香氣所散諸花及以淨水至如來所亦知  
我心來赴此會作是誓已尋即遙散烟雲垂  
布遍覆舍衛所散諸花於虛空中變成花蓋  
至如來上隨佛行住及以淨水如以琉璃遙  
灑佛前地尋即來至時諸大衆覩斯變已歎  
未曾有深於佛所生信敬心捨不奉事諸外  
道等時彼梵志所願既獲即便以身五體投  
地發大誓願以此香氣散花灑水所有功德

於未來世盲冥衆生爲作眼目無歸依者爲  
作歸依無救護者爲作救護無解脫者爲作  
解脫無安隱者爲作安隱未涅槃者使令涅  
槃發是願已佛卽微笑其面門出五色光遶  
佛三匝還從頂入卽時阿難前白佛言如來  
尊重不妄有笑以何因緣今者微笑唯願世  
尊敷演解說佛告阿難汝今見是彼大梵志  
香華淨水供養我不阿難白言唯然已見彼  
大梵志於未來世過三阿僧祇劫當得成佛  
号曰不動度脫衆生不可限量是故笑耳卽  
時諸比丘聞佛所說歡喜奉行

佛說法度二王出家緣九

佛在舍衛國祇樹給孤獨園。爾時有二國主常共忿諍，多害民衆，晝夜陰謀，無有休息。時波斯匿王觀彼二王流轉生死，恐難拔濟，於生死中欲使解脫。往詣佛所，頭面禮足，却坐一面，白言：「世尊，今者如來無上法王，觀諸衆生有苦厄者，爲作救護，於鬪諍間能令和解。今此二王常共鬪諍，多所傷害，又挾怨讎，不可和解。唯願世尊和彼二王，使不鬪諍。」佛即然許。爾時如來於其後日，著衣持鉢，將諸比丘而自圍遶，詣波羅捺國鹿野苑中。時彼二王各集兵衆，始欲戰擊。一則怯弱，甚大惶怖，退詣佛所，前禮佛足，却任一面。佛即爲王說

非常偈

高者亦隨墮

常者亦有盡

生者皆有死

合會有離別

尔時國王聞佛世尊說是偈已心開意解得須陀洹果即於佛前求索出家佛即告言善來比丘鬚髮自落法服著身便成沙門精勤修習得阿羅漢果彼第二王聞佛世尊度其彼王以令出家心意泰然無復怖畏次來佛所頂禮佛足却坐一面聽佛說法甚懷歡喜尋請世尊佛即然可還歸本國設諸餽饍請佛及僧飯食已訖即於佛前發大誓願以此供養善根功德於未來世盲冥衆生爲作眼

目無歸依者爲作歸依無救護者爲作救護  
無解脫者爲作解脫無安隱者爲作安隱未  
涅槃者爲作涅槃發是願已佛便微笑從其  
面門出五色光遶佛三匝還從頂入卽時阿  
難前白佛言如來尊重不妄有笑以何因緣  
今者微笑唯願世尊敷演解說佛告阿難汝  
見此槃遮那王供養我不阿難白言唯然已  
見由供養我故不墮惡趣天上人中常受快  
樂過三阿僧祇劫當得成佛号曰無勝廣度  
衆生不可限量是故笑耳卽時諸比丘聞佛  
所說歡喜奉行  
長者七日作王緣十

佛在舍衛國祇樹給孤獨園時波斯匿王及  
阿闍世恒共忿諍各集四兵象兵馬兵車兵  
步兵而共交戰時波斯匿王軍衆悉敗如是  
三戰軍故敗壞唯王單已退入城內甚懷憂  
慘慙恥委地忘寢不食時有長者多財饒寶  
不可稱計聞王愁惱來白王言奴家多有金  
銀珍寶恣王所用可買象馬賞募健兒還與  
戰擊可得勝彼今者何故憂慘如是王即然  
可大出珍寶奉上與王募索健兒遍行諸國  
以求策謀有一健兒來應其募到祇洹門中  
見二將士共論戰法一將士言於陣前鋒先  
置健夫次置中者後置劣者聞是語已還歸

白王具說將士所論兵法王聞是語即集四  
兵如彼所論健者置前劣者在後尋共交戰  
即破彼軍獲其象馬即便捉得阿闍世王大  
用歡喜與共同載羽寶之車將詣佛所白言  
世尊我於彼王長夜之中初無怨嫉而彼於  
我反生怨讎然阿闍世其父先王是我親友  
不忍害命今欲放去還歸本國今時佛讚波  
斯匿王善哉善哉於親非親心常平等賢聖  
所讚即便爲王而說偈言

負則生憂懼

勝則懷欣慶

汝今放彼王

二俱生歡喜

若能息勝負

最妙第一樂

時波斯匿王聞佛世尊說是偈已即放阿闍

世王還詣本國自歸舍衛而自念言吾今所以戰鬪獲勝由彼長者資我珍寶賞募將士今得勝耳作是念已即召長者而告之言吾由汝故資我珍寶賞募勇健戰鬪得勝我今當還報卿之恩恣汝所願是時長者跪白王言施我無畏敢有所道王即荅言聽汝所說長者白言我今願欲代王七日治政天下王尋聽許滿長者願即爲繫繒立正爲王擊鼓唱令使其境內咸令聞知皆得自在尋即遣使勅諸小王各令七日罷諸王課來朝拜我歸依三寶請佛供養七日旣滿甚大歡悅即便以身五體投地發大誓願持此七日作王

功德於未來世盲冥衆生爲作眼目無歸依者爲作歸依無救護者爲作救護無安隱者爲作安隱無解脫者爲作解脫未涅槃者令使涅槃發是願已佛便微笑從其面門出色光遶佛三匝還從頂入尔時阿難前白佛言如來尊重不妄有笑以何因緣今者微笑

唯願世尊敷演解說佛告阿難汝今正見彼大長者七日作王不阿難白言唯然已見彼大長者由請我故於未來世過三阿僧祇劫當得作佛号曰最勝廣度衆生不可限量是故笑耳佛說是長者作王緣時有得須陀洹者斯陀含者阿那含者阿羅漢者有發辟支

佛心者有發無上菩提心者亦時諸比丘聞  
佛所說歡喜奉行

百緣經卷第一

涇

筍

下上 戶交反

悌

二音 云

馥

下上 音

去

祠

詞下音 微

笑字下

名稱

去聲

河

作下 岸

叵

反音 可

姑

下只 合

寢

上七

教

下上 古

孝

反

支

下古 扣

打

下音 口

窳

主上 於

要

音上

邀

上音 溺

水

上反 奴

索

上反 所

市

下音 亦

作

上反 馥

馥

下音 代

雲

上音 恹

惜

上反 良

升

下音 劇

縫

上音 延

線

二同 思

匿

反

王

上反 晃

胡

反 挺

特

上反 紛

紘

二音 示

力

下音 余

六

反 挺

頂

上反 紛

紘

二音 示

久俠

下胡反

怨讎

二冤音

怯弱

上音若

劫反

遁入

上徒

反憂慄

下倉反

策謀

上楚莫反

責反

前鋒

下音峯



